



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXVIII.

urn:nbn:de:hbz:466:1-11453

corpore, nisi se de obiectis purgaret: tantū audiretur.
Sed rex eam induit iram in hominem, vt placari nō pos-
set. Abijt ille cū filijs in exiliū: inq̃, Gustro apud Alber-
tum ducem Magnopolensem sese collocauit, meliora ex-
pectans tempora. Sed ille iam grandaeuus, aucta infirmi-
tate ex animi dolore, excessit e vita. Filij multa fecere
hostilia, donēc in gratiam redirent filiorum regis.

CAPVT XXVIII.

Iam Turcus Christiani nominis infestissimus hostis,
cū fœdera, quæ illi cum Venetis icta essent, volun-
tate summi pontificis, consensuq̃ principum Christia-
norum, Imperatoris, regis Vngarie, regis Neapolitani,
rumperentur: alioquē in ipsos Venetos omne pondus
recisurum. Id cū intellexisset hostis violentus, simulq̃
insensus regi præsertim esset Neapolitano, ex prisca Ve-
netorum suggestione, cum quibus de regno Cypri ille
pugnaturus videbatur, si non Turcum metuisset: in-
genti classe aduectus à Velona in Apuliam, Hydruntum
obsedit: decima septima die expugnat: Episcopum loci,
dignitate & etate venerabilem, exquisitis supplicijs ex-
carnificauit: clerum extinxit: obuium populum perdi-
dit: iuuenes abduxit: fœminis abusus, & illa fecit, quæ
solent irati victores omni crudelitatis genere scuiendo.
Iam Papa propius cœpit res intueri: Iam mallet, quæ
nepotibus impendit, in publicos Christianitatis vsus con-
uertisse. Vbi nunc frater Petrus, qui montes nauigat,
& maria sicco pede transiuit? Vbi comes Hierony-
mus illustris barbitonsor? Missis literis & nuncijs ponti-
fex excitauit principes, sed lethargo laborabant.
Dum autem ibi scuiret Turcus, propius castra sua Ro-
ma collocare meditatus: quodd Saracenos eiusdem sua
legis consortes, meminisset ex annalibus, Italiam &
ipsam

ipsam Urbem aliquoties peruasisse. Matthias interea rex
 Vngariae latera pulsauit suae Bosnae, quae à Turco proximi-
 mis annis esset occupata, recuperauitque potenti virtute,
 ut magnifice compensata Apulia damna videretur. Sed
 ipsa, ut solet gloriari, prouinciarum domina Italia, ubi
 nunc ostentat aut priscas vires, aut magnum animum?
 Sedet ociosa, spectans incendia proximorum, & non
 attendit causam etiam suam nunc agi, cum paries pro-
 ximus ardet: immò iam domesticum cernit incendium.
 Sed anno proximo Ferdinandus rex Neapolitanus, cum
 pridem pro ecclesia militans in Florentinos, multa eo-
 rum praedia & castella occupasset, restituit, vno ex omni-
 bus sibi seruato, ut signum haberent in oculis, quo admo-
 nerentur suae in eos victoriae. Tum potissimum medita-
 tus hosti Turco occurrere, ad propulsandum eum de fi-
 nibus suis se comparauit. Interim Alphonsus filius eius
 dux Calabriae, comparatis copiis obsedit Hydruntum,
 iam à Turcis in se sum. Et cum magnus Mahumetes gen-
 tis Imperator, per id tempus plurimis locis bella gentibus
 inferret, Rhodiensibus, & Calabriae, & Vngaris opposi-
 tis, in medio ipso feruore bellorum, vir bello natus, & qui
 plura confecisset vnus, quam eius omnes simul praecesso-
 res, spiritum efflauit, magno Christianorum commodo.
 Perinde respirabant, quos ille regebat bello: Nam filij
 duo de patris successione contendentes, ut fieri solet in
 omni nouo regno, plurima commouerunt. Maior natu
 Baiazet, occupatis arcibus & urbibus primarijs, accepit
 à subditis homagium: cum minor, qui ea se ratione suc-
 cessurum patri speraret, quod natus esset Imperatore
 patre, cum frater ex priuato genitus diceretur. Confu-
 git ille pulsus regnis ad fratres hospitales diui Iohannis
 Rhodienses, quorum sciebat acerbissima in gentem odia,
 polli-

pollicitus reddere Constantinopolim, si Christianorum viribus reduceretur ad iustum suum Imperium, à violente fratre occupatum. Magister testatus hoc non esse suarum virium, ad Imperatorem misit illum: Qui impensis perinde grauari visus, ad regem Franciæ fecit peruenire. Ibi captiui specie nobilis iuuenis diu habitus est, donèc summo pontifici Innocentio mitteretur ab regni cancellario, pacifcente aliquot rubros galeros pro tanto captiuo. Papa illum in palatio tenuit diligenti custodia, fratre (vt aiunt) illius aliquot ducatorum millia annua pollicente, vt diligentius seruetur. Seruatus est in palatio supra pontificem, familia eius liberè per Urbem diuagante: mansitq; in ea custodia vsq; ad tempus pontificis Alexandri VI. qui venienti regi Karolo VIII. Franciæ, regnumq; petenti Neapolitanū, permisit illum, vt secum in castris haberet, vsurus eo ad bellum quod præferbat in Turcum. Sed ingenuus ille iuuenis, quod ita inter manus velut pila iactaretur, dolore animi contracto morbo, in itinere moriens defecit. Sunt qui illum spontè sumpto veneno aiunt perisse. Matthias interim Vngariæ rex, sumpta occasione vsus, quæ illi præstaretur per regnum Turcorum innotatū, vrgebat Turcum, pepulissetq; omni vicina regione, nisi eodem in tempore ab latere Austriæ vexatus, à Turco retractus, per hostiliorem Imperatoris nostri capitaneum, se cogeretur defendere. Ità non satis est nobis, nos ipsos desidere, & nihil pro Christianismo magnū agere, nisi etiam pro illius honore contententes impediamus, & à bono reuocemus.

CAPVT XXIX.

ANnus erat à Christo nato, post mille quadringentos octuagesimū secundus, cum Maximilianū du-

LII

cis